

茗

齋

集

米

麥

粟

一
■

七言律

丁未元旦早起即事

天濕星河夜氣遲，早梅未吐報春枝。
鰌魚屈戌重據牀，簷馬丁冬巧挂鵲。
萬井金姑驚衆蟄，八風玉液迸流澌。
門前名剌紛如葉，裁作紅箋和豔詩。

和胡山望雪見懷之作

扶屐高城盡白沙，深簷烏帽冷歌斜。
誰將豐歲年年玉，種作寒林樹樹花。
長水相望斷冰鏡，故人幾度折瑤華。
遙知風雪柴門外，蠟屐孤痕向酒家。

次韻酬胡山梅里寄懷

卑棲豈敢學沉冥弄雪呼童範土型冰鐸倒垂西華掌旭烏斗
上楚江萍窮居百感消浮白殘藁重刪待殺青期爾天台同采
藥東溟一點是金庭

賀沈太常先生八旬除夕生子

高閭久已望于公乍撤辛盤却舉雄鳳德未衰殊有鳳熊祥叶
夢應非熊丈人三婦偏憐小姪女生嬰若返童屈指百齡還健
在坐着五馬振門風

二

再傳廉吏景高踪此日盈門賀元宗執醕豈須君賜鯉聚星咸
識子為龍喜看明老生仙李應有青童伴赤松成實三千今未

晚知公久視自從容

立春前一日答胡山周實見寄韻

長水寒歸歛朔雲羈人春思已紛
柳條弄色懷之子竹葉消

愁賴此君寓勝舉橋無用賃隱同角里自為群相思頻問橫山

路燕尾河流半邏分

元夕燈市雨

桃笙臘屐踏燈回急鼓繁絃殷早雷夜火欲流星島嶼暗塵不

上綺樓臺探驪客過鮫珠濕竹兩人歸鐵鎖開獨有蕭齋銀燭

冷空階自剪讀書煤

二

烟靄春城滿大堤上元已降幔亭西白榆滴瀝星橋滑紅雨溟
濛火樹低角觝魚龍翻孔蓋連錢寶馬惜障泥少年行樂空相憶
燈謎分闌取次題

贈崑山王仲槐大令令山陰人

名流江左聚山陰出宰郎官簡帝心飛舄鹿城常夾日栽花喜
水自成林垂簾鶴過雷琴靜滿邑春歸雉麥深早晚政成需內
台不煩明詔賜黃金

新安張公白寓吳門乞詩為壽

白岳雲山媚舊廬五湖烟水照移居藏名喜托皋橋市養性兼
通少伯書丹鼎燒金應已就紅顏餐玉近何如裁詩好借君家

筆一寄胥門五色魚

初春登秦山二首

春陰弄雨改朝昏
潮長東風上海門
天泚圓儀窮髮盡
山排南鎮一峰尊
波濤空濶無今古
代謝英靈有狄獠
三十年来何限意
況吟不為朗公言

二

盤雲度磧引孤筇
海色成陰合衆松
此地替人成逐鹿
群山何處是南龍
樵風可見秦時女
香積初逢谷口鐘
啜茗談詩坐磐石
春潮早晚自從容

壽許搏遠牛帥許吳人起武科工畫

元度清標自勝遊流雄心萬里托吳鉤十年報國樽前箸一葉
求仙海外舟神品虎頭堪擲筆詞壇飛將本封侯應知幕府客
狂士長揖還堪上坐留

答山中千公見寄韻二首

鑒翠開山俯石林白雲遙望最高岑偶來開士談空處隨地飛
花散午陰廣漠樓臺清氣上天風日夜海潮音不知昨夜峯頭
雨添得寒泉幾尺深

二

何人不識秦峯路却望雲林去轉遙能斷塵緣來物外便携空
眼出烟霄金支翠輦荒馳道清梵疎鐘隔市朝半偈重携叩高

座未煩猿父下相招

贈劉雙山禮垣名如漢湖廣籍已縣人

聖主垂衣重老臣黃門直節見批鱗文昌座接夔龍會左掖班
從雉尾親戀闕巴巫家萬里補天日月位三辰近來典禮知無
缺封事何因答紫宸

早春探梅子于園亭留飲和舍弟信弦韻

清淺方塘尚可乘落梅如雪散冰凌諸君盡是糟丘長供我真
同米汁僧烟閣面山々不遠春寒壓酒々難勝更申十日平原
約拚盡葡萄乳百升

上已

細草芳郊綠滿汀春光又入柳條青海濱鳴蛤初喧
龜天際風驚乍展鈴寒食鶯花憐節亭永和人物想儀型
年來勝事堪追憶不是山亭即水亭

贈盧綬齋憲長

太微執法接中台憲使高名鎮外臺三尺持平佐清問
一時僚來避風裁斗南望冠司衡重冀北群空命世才
暫借霜威澄兩浙鄉雲天上自昭回

送張螺浮觀察之荆南

中原控制屬荊州江漢朝宗擁上游帝命股肱來左掖
坐携參佐嘯南樓巫夔鎖鑰藩方重將相勲名節鉞收
聖主臨朝

檢封事知公早晚赴螭頭

二

直臣風節振朝端一疏留中社稷安自是
廟謨資重寄不須
補外借言官澄清南紀荆門靜袞繡東山几
鵠寬身在江湖心
魏闕還看浴日上鯢桓

三

兩朝補袞荅君恩捧日功高翼
至尊敢薄承明謝梧掖因資
雄畧鎮荆門鶯花擁旆迎征憶
江漢為池轄使藩親政
九重
須顧問鋒車不遠過襄樊

醉後漫成十首用胡山韵

落鳧衡門大布衣懷君不見意長飢
花間胡蝶經年夢天上浮雲萬事非
舍暝有人披薜荔登山何處醉薔薇
春來多少南中雁盡向榆關絕塞飛

曾參政秋岳在雲中我郡人士多游朔塞故末及之

二

抱采躬耕寄此生柴門不鎖釣舟橫
濁醪一斗真知我大業千秋自屬兄
上已群賢留袂袂九歌山鬼下巫彭
天台隔海無多遠待覓豐干到國清

三

少年裘馬憶京華零落烏衣更幾家
見說寰中無故壘翻驚海上有悲笳
傳訛舊史成三豕遺燼亡臣繼五蛇
欲采珊瑚愁觸

網滄波何日聽浮槎

耻學神仙問蠹魚任教食盡一床書
錢刀買妾貧無恙織素新人故不如
並海雲山歸杖笠行吟花月避巾車
蹲鴟種得盈三斛為謝飛鮮大澤漁

五

漁火烟汀照緯蕭蘆花月白夜寥
飯牛人起初生犢捕蟹船歸已落潮
日正奎婁東作近山橫管葛北溟遙
臨風長嘯狂歌歇有客依聲倚洞簫

六

妖姬三五比紅兒起舞當筵試柘枝我自不堪聞笛恨君應解
作會真詩飛花亂點愁如海空水清音竹勝絲胡不盡歡長對
酒風塵四野欲何之

七

韶華三月開暄妍官柳官花未禁烟紅杏樓臺春社燕明清風雨
蜀山鵲遊人到處堪乘興愁病閒心獨不眠為約今年多種秫
桃花水長滿吳田

八

瀕年風雪歲將闌廡下休嗟老伯鸞脫粟故人輕一飯苦瓜共
客已空盤藥荷不愧為奇服解箨何妨學製冠短笠長鑣行負

戴相逢吳市好誰看

九

閒坐磯頭理釣鉤
萍香水影入溪樓
析薪自織桃椎履
采藥兼乘范蠡舟
獨往千^山廿拾橡
不妨五月尚披裘
小人有母堪偕隱
何必聞猿憶故丘

十

天閭不遠隔豐隆
元氣茫^茫俯鑿空
彩筆雕搜千象緯
靈襟沃盥沐淳風
相從柱下青牛叟
漫事山中白兔公
此地若栽流寓
傳知君名字冠江東

附載遊吳門舟經烟雨樓

烟雨虛無何處邊樓臺當日照晴川
灑湖暮色收殘雨角里春流入遠烟
魚躍荇田騰草上鷗棲茅屋對僧眠
扁舟過此重回首燈火笙歌意惘然

虎丘和信弦弟題壁韻

山光水色兩霏微終日清游到夕暉
剡氣已消金虎去泉聲如有玉龍飛
春深穀雨花成市雲護僧房竹掩扉
喜見池塘多好句誰言此曲和人稀

同朱二子于范大文九曹大飛雖鄭大巨展劉倩敷文及家弟信弦同登虎丘等慈閣

絕澗樓臺四望通白雲千頃浸寒空
依微林屋橫波上隱約虞

山入鏡中良會夔龍聚巖壑高人湖海盪心曾吳亡越霸成何
事極目長洲茂苑東

張觀察畫船宴酒合樂虎丘席上有作

疊鼓凝笳泛畫船東南名勝聚離筵
凌波戲舞龍起捲扇嬌歌暮雨妍
山水清音鏡吹外絃綸借箸酒籌前
薜蘿何意叅高燕欲采幽蘭寄楚賢

吳關別朱甥素安之荆南

芳草河梁此送君荆南春盡絮紛紛
誰言似舅同無忌却羨橫床有右軍
吳地花飛沾別袂瀟湘雁去惜離羣
遠遊幸未高堂老莫向南樓望白雲